

Nxopaxopo wa Nongonoko wa Vutsoniwa

Tshwane, 1 Khotavuxika 2021 – Vukorhokeri bya Xibalo bya Afrika-Dzonga (SARS) byi lemukile tihlamulo ta mani na mani leti landzelaka ku humesiwa ka mpfapfarhuto wa "Nongonoko wa Swixaviwa leswi Ringaneleke swa Vaviseko eMirini kumbe Vutsoniwa" (Nongonoko wa Vutsoniwa) leswaku mani na mani a tihlamulela.

Tihlamulo leti to tala ti vonaka ti tshegiwile hi nkantwisiso wa xikongomelo xa mihundzuluxo leyi ringanyetiweke eka nongonoko, leswi vangyiweke hi mirhumelo yo suka eka vakhumbheki lava lavaka ku ololoxa timhaka leti vonakaka leti sukaka eka Nongonoko wa sweswi wa Vutsoniwa.

Ku kota ku pfumelela nkarhi wo tala wo burisana na vakhumbheki, ku hlamusela xikongomelo endzhaku ka micinco no twisisa swivilelo leswi tisiweke, xiboho xo tlhenthisa mpfapfarhuto wa Nongonoko wa Vutsoniwa xi tekiwile. Mpfapfarhuto wo engetelela wa Nongonoko wa Vutsoniwa wu nga humesiwa endzhakukaloko phurosese leyi yi hetisiwile.

Nongonoko wa sweswi wa Vutsoniwa, lowu humesiweke hi 2020 eka lembexibalo ra 2021 ku ya emahlweni, wu ta tshama wa ha tirha ku fikela loko wu siviwa hi wun'wana. [Vhexini leyi ya kumeka eka webusayiti ya SARS.](#)

Tinotsi eka vahleri:

Nongonoko wa Vutsoniwa wu tivisiwile hi 2009 hi ndlela ya hundzuluxo wa xinawana eka Nawu wa Xibalo xa Malinghena, 1962, lowu lavaka leswaku Khomixinara a ringanyeta nongonoko wa swixaviwa leswi ringaneleke swa vaviseko emirini kumbe vutsoniwa. Hundzuluxo wu tivisiwile eka engetela nhlamuselo na ntiyisiso eka SARS na vahakelaxibalo mayelana na muxaka wa tihakelo ta vutsoniwa leti ringaneleke leti pfumeleriweke eka swikongomelo swa xibalo.

Nongonoko wo sungula wa Vutsoniwa wu sungurile ku tirha eka lembexibalo ra 2010 ku ya emahlweni naswona a wu tshegiwile eka swilaveko swa nawu leswi hundzuluxiweke leswaku swixaviwa swi fanele ku "byarhiwa" no hakeriwa hi munhu loyi a nga na ku vaviseka emirini kumbe vutsoniwa". Eku mpfapfarhuteni ka nongonoko, SARS yi burisanile swinene na mihlangano yo hambanahambana leyi yimelaku vanhu lava nga na vutsoniwa na mihlangano ya xiphurofexinali, ku landzela nkarhi wo tihlamulela hi mani na maniva hi ntalo.

Nongonoko wa Vutsoniwa wu nghenisiwile leswintshwa eka lembexibalo ra 2013 ku ya emahlweni, endzhaku ka sweswo ku ya eka lembexibalo ra 2021 ku ya emahlweni, ku kandzela phurosese yo yelana yo burisana.

Nawu wo letela eka SARS wu tshame wu ri ku boxa tihakelo teto to engetelela leti munhu loyi a nga na vutsoniwa a fanele ku tihakela, handle ka munhu loyi a nga ta ka a nga koti ku tirha migingiriko ya masiku hinkwawo.

Mayelana na tihakelo ta xikolo, hakelo leyi ringaneleke sweswi i ku hambana exikarhi ka tihakelo leti hakeriweke eka xikolo xa phurayivhete xa lava nga na swilaveko swo hlawuleka na xikolo xa phurayivhete lexi hakelelaka kusuhi, kumbe ku hambana exikarhi ka tihakelo leti hakeriwaka eka xikolo xa mani na mani xa lava nga na swilaveko swo hlawuleka na xikolo xa mani na mani lexi hakelelaka ekusuhi.